

աովորութեան, թույլ էր տրվում գնալ եկեղեցի: Այդ ծառի առջև հերթով կանգնում էին նշանված աղջիկները, կողքերին կանգնում էին փեսացուները և նրանց ազգականները, կեսրանք նվերներ էին տալիս հարսնացուներին, մի խաշաձև մոմ տալով նրանց ձեռքը: Հաճախ մի կանաչ կամ կարմիր շաղափ էին ձգում նրանց գլխին, կամ հենց այդ օրը պայմանավորված նշանելիք աղջրկան եկեղեցում խալաք էին տալիս: Այսպիսով, նշանդրէքն ստանում էր հատկապես հրապարակային բնույթ և այդ արվում էր նախ և առաջ կանաչող ծառի՝ ուտու հովանավորութեան ներքո: Առհասարակ ըստ ժողովրդական հասկացողութեան՝ այդ օրը Զանգեզուրում կապված էր ոչ թե ծաղիկների, այլ ծառի առաջին արթնացման հետ: Ճոաննէրի աղմուկով կարծես ետ էր մղվում շար ոգիների կողմից ամեն փորձ բույսերի, բնութեան այդ արթնացումը խանգարելու: Տոնի նախաբրիստոնեական ծագումն ակներև կերպով արտահայտված է և ոչ մի կապ չունի Քրիստոսի մուտքը Երուսաղեմ ծաղիկներով դիմավորելու պատմութեան հետ:

Ժամավորեւէր թափվում էին ծառի վրա կամ ուռիների կույտի վրա և ճյուղերն իրար ձեռքից խլելով՝ տանում էին տուն, որտեղ կախում էին խնօցու գլխին, նրա հարած կարագն ստուգելու և զատկական կերակրի կրակը նրանով վառելու համար: Այս տոնը կապված էր նախնական ժամանակների ծառերի պաշտամունքի և հատկապես կենաց ծառի պաշտամունքի հետ:

Զարչարանաց շաբաթ:

ա. Երեքշաբթի՝ հիմար-իմաստունի օր էր: Այդ օրը տասը երեխաների ձեռքը տալիս էին մի-մի վառած մոմ, ապա հինգ թղթերի վրա «իմաստուն», հնգի վրա «հիմար» գրած՝ առաջարկում էին այդ տոմսերը մեկ-մեկ վերցնել: «Հիմար» տոմսեր հանողների մոմերը հանգցնում էին, ծեծելով ու ծաղրելով նրանց դուրս էին վանում եկեղեցուց: Այդ սովորությունն ամբողջովին բխում էր Ավետարանի առակից իմաստասերների և հիմարների մասին: Կարող է պատահել, որ այդ առակն էլ հին հեթանոսական կրոնում ունեցել էր իր նախապատկերը, որը դեռ չի գրսևորված:

բ. Զիք չրբքշաբթի: Այդ օրը չրբօրն էր: Ամբողջ տունը դուրս էին տալիս, ապա կանանցից մեկը կանգնում էր տանիքի հէքթի մոտ, մյուսը՝ տան մեջ հէքթի տակ: Տանիքին կանգնածը մի քար տանում բերում էր հէքթի շուրջը ու հարցնում՝

«Աղամ, աղամ... հի՛նչ աղամ»:

Տակից մյուսը պատասխանում էր՝

— Մօկն աղա՛:

«Աղամ, աղամ... հի՛նչ աղամ»:

— Վօթիս<sup>44</sup> աղա՛:

«Աղամ, աղամ... հի՛նչ աղամ»:

— Սև պրղօձ աղա՛:

«Աղամ, աղամ... հի՛նչ աղամ»:

— Պուճուղ տակէրը<sup>45</sup> աղա՛:

Եվ այլն:

Այս հարց ու պատասխանի մագիկ նշանակությունը պարզ է: Ոչնչացվում էր այն ամենը, ինչի բազմաանալը ցանկալի չէր:

<sup>44</sup> Պղօն—բողոճ:

<sup>45</sup> Քունջ ու պունախի տակերը: